



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Cap. XIII. Suspiria amantis animae pro perfectis.

urn:nbn:de:hbz:466:1-10805

9. In te, Domine speravi, non confundar in eternum. Et si Angelus de celo affereret mihi, me projectum esse à facie tuâ, non crederem illi. Et si tu ipse, summe Deus, diceres mihi, ego in eternum te damnavi, nolo audire preces tuas. Ignosce, Domine, in hâc re non crederem tibi; sed etiam si occidas me, & in inferno demergas me, semper in te sperabo.

10. Da mihi, Domine, vulnera tua: abhorreo enim videre cor meum, nisi vulneribus plenum, cùm te adeò crudeliter pro me videam crucifixum. Non possum vivere sine vulnera, cùm te undique videam vulneratum.

C A P U T X I I I .

Suspiria amantis animæ pro Perfectis.

PErfectos appello, non ex omni parte: quis enim in hoc mundo? Imò, ut verissimè scribit Bernardus Drogoni Monacho, *Nemo perfectus est, qui perfectior esse non appetit; & in eo quisque perfectiorem se probat, quid ad majorem tendit perfectionem.* Perfectos igitur voco, expurgatos à peccatis, ornatos virtutibus, qui in humilitate & charitate magnos jam progressus fecerunt, & ad intimam cum Deo unionem ferventi affectu aspirant. Quia verò perfectio in amore Dei consistit, motus anagogici ad Perfectorum statum pertinentes, ex amore potissimum desumuntur, ut ex subjectis formulis apparet.

D E C A S I .

1. **O** Dulcedo cordis mei, ô vita animæ meæ, ô essentia essentiae meæ, & jucunda requies spiritus mei, abstrah me ab omnibus creaturis, ut solum requiescam in te.

2. O Domine Deus meus, spes mea & refugium meum, ô dilecte votorum meorum, quandò omnem dissimilitudinem & imperfectionem absumes in me!

3. O charorum omnium charissime, ô spouse floride, spouse melliflue, quando me ornabis illic monilibus, quibus tibi placebo!

4. Trahe me post te, spouse dulcissime, ut alacriter, purè, perseveranter curram in odorem unguentorum tuorum.

5. Effice me hominem secundum cor tuum, præpara tibi in me gratam habitationem, ut ad me venias, & mansionem apud me facias.

6. Inebria me vino charitatis tuæ, ô pulcherrime amator meus, uni me tibi intimè, & me totum transmuta in te.

7. O ignis increate, quando me totum incremabis flammâ ardenterissimâ amoris tui! quando peremptâ in me omni proprietate totus tuus ero?

8. O dilecte mi, quem solum quero, quando mihi pulsanti, & gementi aperies? quando te ipsum mihi manifestabis, & dices, salus tua ego sum?

9. O immensa dulcedo mea, quando me totum in te rapiens, absorbebis, & abscondes? Quod enim est mari absorbere unam guttam, hoc tibi est absorbere me.

10. O felicitas mea, ô totum & solum gaudium meum, quando sublati omnibus impedimentis introduces me in cubiculum gloriæ tuæ, & me tibi inseparabiliter agglutinabis?

D E C A S II .

1. **Q**Uæsiyi vultum tuum, vultum tuum, Domine, requiram: frustra enim labore, quamdiu te non quero.

2. Nolo te sequi, Domine, per viam consolationum, & delectationum; sed vei & puri amoris. Nolo id quod egreditur à te, sed te ipsum solum. Te solum volo, te solum desidero: nihil mihi extræte.

3. In te, Domine, est omne esse meum, omnis delectatio mea, omne bonum meum: Si quid meum dico, si meipsum nomino, te solum intendo, qui solus meus es, & omnis essentia mea in te est.

4. Anima mea sicut terra sine aquâ tibi: effunde ergò, clementissime Deus, largam super me benedictionem de rore cœli, & de pinguedine terræ viventium.

5. Utinam dirumperes cœlos, & ad me descendederes, ut durities mea liquefacta deflueret, & amore tuo totus ignitus inenarrabilibus te genitibus invocarem.

6. Heu mihi, quia incolatus meus prolongatus est, & cogor ibi vivere, unde mallem abesse: cogor abesse à te, cum quo tantoperè cupio permanere.

7. O Amor quâm absconditus, quâm ignotus es? Te cupio, Domine, nihil aliud. Præbe mihi cor tuum, & accipe meum.

8. O si possem velocissimè totam terram peragre, & clamore valido ubique vociferari, vivat amor Jesu Christi: Vivat amor Jesu Christi!

9. O su-

S 2

9. O superlucida, & delitiosa Trinitas unus Deus, pasce me tuis influxibus. O simplicissimum, & jucundissimum bonum, o bonum immutabile, imple me te ipso: transfer in te originem meam: introduc me in fundum animae meae.

10. O charum principium meum, quando te feliciter inveniam? quando te ardentissime diligam? quando me totum in te rapies? quando me totum absorbebis, & sine medio tibi unies?

D E C A S III.

1. Q Uando obdormiam, & requiescam in te, pax mea dulcissima? quando plene aspirabit mihi Divinitatis tuae fragrantia? quando mihi exorietur dies sempiterna tuae manifestae visionis.

2. Per tuum cor transverberatum transfige, amantissime Jesu, cor meum jaculo amoris tui, ita ut nihil terreni continere possit, sed a sola efficacia tuae Divinitatis continueatur.

3. Ave Jesu, sponse melliflue, saluto & veneror te omnium electorum tuorum affectu. Excita & rege spiritu tuo vivifico omnes motus cordis mei.

4. O amor meus & omne gaudium meum, quando inclinabitur umbra mortalitatis, & aspirabit dies aeternitatis? quando deposita sarcina corporis hujus cum Sanctis tuis te perenniter laudabo?

5. Recipe me, o floride sponse, inter suavissimos amplexus amoris tui, quibus constrictus spiritus meus totus ardeat, & comburatur.

6. O bonum super omne bonum, o finis sine fine, quando fruar te fine modo, & sine fine?

7. Pulcher es, dilecte mi, & amabilis validè, non carni & sensui; sed animae credenti, mundum cor habenti, & ad invisibilia se transfrenti.

8. Dominus meus, & Deus meus, amem te solum propter te, & nihil alinem nisi in te.

9. O suavissime Celi splendor, adure cor meum potentissimo charitatis incendio: tibi viscera mea sacrifico, ut ea aeternis flammis comburas.

10. Cupio, Domine Jesu, ut, quories aetrem ad me attraho, te ipsum cordiali affectu intra me attraham, quatenus omnes cogitationes, verba, & opera mea tuis cogitationibus, verbis, & operibus uniantur, & sic unita Deo Patri ad maiorem ejus gloriam represententur.

D E C A S IV.

1. D A mihi, Domine, ut te videam sine formâ corporeâ, sine specie imaginariâ, sine luce creatâ. Trahe me post te extra omnes creature.

2. Malo, Domine, ex voluntate tua acerbissimas inferni poenæ sine fine tolerare, quam sine te gaudiis perfrui sempiternis.

3. Demerge, dilectissime mi, parvulam guttam spiritus mei in immenso pelago bonitatis tuae, demerge & absorbe me totum in abysso infinitæ misericordiae tuae.

4. Veni suspirata quies amantis animæ meæ, ut nulli mihi dies, nullæ noctes eant sine te, nullus mihi somnus sine te: tibi soli vivam, & moriar.

5. Quis ego sum, & quis es tu amor meus? Numquid non multum effet, si te permetteres à me amari? sed & insuper te amari præcipis, & mihi mortem sempiternam minaris, si te non amo.

6. Clementissime Pater, sicut tu ab omni aeternitate voluisti, antequam ego essem, ita fiat: chàrior est enim mihi tua gravissima voluntas, quam operandi libertas.

7. Quando me lætificabis in regno tuo, Domine Deus meus, clarissimo vultu tuo? Quando omnia, quæ credo, lego, & audio de te, & gloriâ tua clare, & intuitivè videbo?

8. Sileat ante te omnis creatura, Deus meus: Tu solus mihi loquaris, adsis, & illumines, qui es omnia in omnibus, & super omnia amabilis, & gloriösus.

9. Vulnera cor meum tam potenti jaculo dilectionis tue, ut omnis terrena consolatio amara mihi reddatur, & omni solatio creaturarum liberenter caream.

10. Extingue, Domine, omnes extraneas imagines in corde meo, ut pacem nullibi, sive delectationem vel quaram, vel inveniam, nisi in te dulcissime Deus meus.

D E C A S V.

1. O Charitas, Deus meus, fac me obsecro unum tecum, sicut tu, & Pater unum estis, & sufficit mihi.

2. Utinam, suavissime Jesu, eâflammam amorem ardorem, quâ ardent Seraphim, quâ ardet Mater tua, quâ ardes tu.

3. O si possem ab omnium cordibus amorem, qui non est tuus, evellere, & tuum infere,

rere.



rere, ut amore tuo omnes arderent, & languerent!

4. Amo te Deus meus, quia æternus es.
Amo te imminens mea, quia immensus es.

5. In amoris signum gratulor tibi, Deus
meus, divinitatem tuam, simplicitatem tuam,
æternitatem tuam, omnesque tuas perfectiones,
quæ ita sunt in te, ut idem sint, quod tu.

6. Utinam omnia, quæ cogitavi, quæ sum lo-
quutus, & operatus, ex puro tui amore semper
fuissent! Utinam te semper amasssem!

7. O si possem, Deus meus, retrovertere an-
nos meos, & peractæ ætatis spatiæ amoris tui
actibus replere! o si te semper dilexissem, cùm
alia extra te dilexi!

8. Nihilum mei præcessit me à diebus æter-
nitatis tuæ, Deus æterne! nunc verò exulto
tibi factori meo, & cupio annihiilari, quidquid in
me terrenum est, ut tu solus vivas in me.

9. O æternitas quæm clare luces, quæm bland-
è, quæm præcise, quæm in puncto! Ad te se-
cedo à mundo isto sensibili: in te meum sola-
rium, & recreatio est post negotia vitæ huma-
næ, post tædium vitæ labentis.

10. Tu desiderium collum æternorum, dul-
cissime Jesu: tu desideratus cunctis gentibus; tu
sponsus, tu rex cordium: tu amor meus, & omne
bonum meum.

D E C A S VI.

1. T U scis Domine, quia, si possem, omnaem
tibi laudem, gloriam, & honorem tri-
buerem, quibus te laudant, glorificant, &
honoran omnes Angeli, & Electi tui; sed quia
impotens ad hoc sum, suscipe saltem desiderium
meum, & bonam voluntatem.

2. Exclude à me, Deus, omnia impedimenta
gloriarum tuarum, & in eo statu me constitue, quem
aptiorem fore nosti, ut major tibi gloria ex me
proveniat.

3. Possideam te in medio cordis mei, beatitu-
tudo sempiterna! possideam te, summa dulcedo
animaæ meæ!

4. Me tibi resigno, creator meus, purè pro-
pter te ad omnia officia, loca, casus, eventus, sta-
tumque animæ, & corporis, qui tibi placue-
rit.

5. Nihil à te peto, Domine, nihil volo, nisi
pro majori gloriâ tuâ. Quòd si per ignorantiam,
vel errorem aliud peterem, nolo exaudiri.

6. Si tibi æquale præstatur obsequium; ma-
lo, Domine, desolationem, quæm confolatio-

nem, ut pro tui amore aliquid patiar internæ af-
flictionis.

7. Quia sine te nihil possum pati pro te, da
mihi multam & magnam gratiam, ut multa &
magna patiar pro amore tuo.

8. Major es omni laude, Deus meus; & ob-
id gaudeo, quia, quidquid obsequii omnes puræ
creatûræ præstare tibi quocumque modo conan-
tur, longissimè impar est dignitati & magnitudi-
ni tuæ.

9. Quidquid virtutum, piorum actuum, &
affectionum in libris editis, & edendis describitur,
quidquid fieri potest tibi gratum, & acceptum,
id omne approbo, & volo, & cum gratiâ tuâ per-
ficere cupio.

10. Utinam possem, Deus meus, aliquid hoc
momento efficere, quod summè tibi placeat. En
hoc, quod nunc aggredior, purè ad hoc dirigo, ut
maximam in eo habeas complacentiam.

D E C A S VII.

1. Q Uæsò te, Domine, ne patiaris quid-
quam in me, quod non sit usquequaque
tuum, & divinum; & si quid est, illud proti-
nus evelle.

2. Si scirem, Deus meus, me fore annihilan-
dum, adhuc tibi omni studio servirem; non enim
tibi servio propter me, sed propter te.

3. Da, bone Jesu, ut oratio illa tua suam vim
in me habeat, ut sicut tu in Pater, & Pater in te
est; ita ego tecum unus sim voluntate, amore,
opere, moribus, & vitâ.

4. Extingue me, Domine, in corde omnium
hominum; & cunctos homines in corde meo
occide, ut mihi mundus crucifixus sit, & ego
mundo.

5. Mitte mihi Deus, quamcumque vulneris
afflictionem, & crucem; & in omni tribulacione
præsta, ut reum me fatear, & cognoscam, & ut
me ipsum contemnam.

6. Hactenus quosdam amavi, qui me non ama-
bant; jam te amabo, amator æterne, qui me a-
mâsti, antequâm te novissem; quem amare virtus
summa est, à quo amari felicitas.

7. De profundis cordis mei clamo ad te, su-
vissime Deus, ut auferas à me vanissimum amo-
rem corporeæ pulchritudinis, & me totum trans-
feras ad purissimum ædrem decoris tui.

8. Illabere, precor te, in penetralia cordis
mei, & imprime mihi servo tuo dulcissimam, &
admirabilem speciem tuam, ut quiescam in suavi-
tate præsentiae tuæ.

S. 3.

9. Veni:

9. Veni Domine, amor meus, gaudium meum, & corona mea: veni & noli amplius tardare, ne ex nimio desiderio sine sensu efficiar.

10. Scribe, dulcis Iesu, nomen tuum in corde meo, & amorem tuum mellifluum per jugem memoriam pectori meo inscribe.

DECAS VIII.

1. **V**incat nequitiam meam, Domine, imensa bonitas tua, & imaginem tuam in me recognosce, quamvis detur patam.

2. Revertor ad te felicissimum principium meum, dulcis origo & finis meus: esto deinceps totum, ac solum cogitationum mearum objectum.

3. O unum divinum, te solum desiderat cor meum, libera me ab omni multiplicitate.

4. Diligam te, Deus, pro dono tuo, & pro modo meo, exiguo quidem, & minus justo; sed non possum ultra quam possum: potero autem plus, cum plus donare dignaberis, nunquam tamen pro ut dignus haberis.

5. O quam beati sunt illi, qui edunt, & bibunt ad mensam tuam in regno tuo, quoniam te ardenter diligunt, & te fruuntur in laetitia & exultatione. Ego autem hic fame pereo, & projectus in cinere & caligine, lumen celi non video.

6. Sitio te clare cognoscere, esurio te perfecte diligere, nec desiderium meum adipisci valeo. Oblecro, Domine, si inveni gratiam in oculis tuis, ostende mihi faciem tuam.

7. Fac mihi, Domine, quocunque placitum fuerit in conspectu tuo: in manibus tuis ego sum, & corpus meum, & spiritus meus: quocunque pervenero laudabo te, & exultabo vehementer.

8. Satia animam meam ad te suspirantem, felicitas mea, & reple esurientem bonis tuis.

9. Dejiciantur, quæso, omnia simulacra de throno gloriae tuæ, ut tu sis solus regnans in corde meo, nec sim ego amplius miserabiliter instabilis, & fugitus à te.

10. Uniat me sibi verbum Dei, gignat seipsum in me sine intermissione æterna sapientia, & pro minimo mihi erit, si me despiciant cœlum & terra, & omnia quæ in eis sunt. Quod si me repuleris ab osculo tuo, non poterunt me omnia, quæ infra te sunt, consolari.

DECAS IX.

1. **V**eni gaudium meum, lumen oculorum meorum: veni arator meus, lux incomprehensibilis, imple omnes potentias animæ meæ intus, & foris, ut nihil nisi te videam, cogitem, amem, desiderem.

2. Tu dixisti Domine, Ducam eam in solidum, & ibi loquar ad cor ejus. Et quid aliud est solitu, nisi te solum amare, in te solo quietescere?

3. O divina solidudo tam concupiscenti animo desiderata, quando fiet istud, ut in te omnino quiescam?

4. Heu me, quia non diligo te, vita animæ meæ, nam si verè te diligarem, semper te in corde haberem; scriptum est enim, Ubi est thesaurus tuus, ibi est & cor tuum.

5. Congregan os in unum, potentissime amator, data est enim tibi omnis potestas in celo, & in terrâ.

6. Trahe me post te, suavissime Redemptor, qui dixisti, si exaltatus fuero à terrâ, omnia traham ad me ipsum.

7. Accende cor meum igne tuo, Deus meus; tu enim ignis comburens es, & facis ministros tuos ignem urentem.

8. Deus meus es tu, qui infinita tuâ bonitate locupletissimus, nec bonorum meorum, nec alterius cuiusque rei indigentiam habere potes. Et in hoc gaudeo & exulto, quod nulla tibi perfectio, nec quidem per imaginationem adjungi possit.

9. Domine JESU, quantum te diligunt, qui te noverunt; Pater tuus te diligit, Spiritus sanctus te diligit; omnes Angeli, omnes Electi, & amici tui amore tuo exardescunt; & ego solus frigidus ero?

10. Libera me Deus à multiloquio, quod patior intus in animâ meâ: non enim cogitationibus taceo, etiamsi vocibus taceam. Multæ sunt cogitationes meæ quales tu nosti, cogitationes hominum, quoniam vanæ sunt. Da mihi eis non consentire, nec immorari, ne me impedian ab amore tuo.

DECAS X.

1. **O** Amor, quam parum cognosceris, & amaris? Accede ad me, o Amor, & si nullibi requiem invenis, te totum transfunde in me, æterne & suavissime Amor.

2. Semper ardeat ignis amoris tui in altari cordis

cordis mei , & in tantum crescat incendium , ut non solum sacrificium , sed & ipsum altare comburat , & consumat .

3. Nihil me laetificet , Domine Iesu Christe , nisi tu : nihil me contristet , nisi culpa mea , & offendio tua Majestatis .

4. Tu es unicum desiderium meum , æterna Sapientia , tu thesaurus quem quaro , tu beatitudo ad quam suspiro .

5. Quam pulcher es , dilecte mi , quam speciosus in deliciis tuis ! Urimam potentissimus amor tuus omnem extraneum amorem in me occidat . Quidquid video , quidquid audiero , quidquid sensero ; tu solus intres , & possideas cor meum .

6. O Amor potentissime , qui lutum transfiguras in Deum , transforma me totum in te . Nimis saxeum est cor meum , nisi molliatur sanguine tuo : nimis distractum est , nisi colligatur in latere tuo .

7. O æterna veritas , & vera charitas , & chara æternitas . Tu es Deus meus , ad te suspirio die ac nocte . Te amo , te diligo & magis amare desidero : perculisti enim cor meum verbo tuo , ut amarem te .

8. Quid amore dulcior ? quid securius ? quid suavius ? Quare sagittis ejus non est tranfixum cor meum ? Ergo ne amor tuus circumdat me undique , & nescio quid sit amor ? cur sic maneo insensibilis ? cur me magis attraxit creatura , quam creator ?

9. Venustissime Jesu , vita mea perennis , per quam vivo , & sine qua morior , vita dulcis , & amabilis , concede ut tibi jungar , te complector , & suavi charitate soporatus in te obdormiam .

10. Quando te video , dulcissime Deus ? quando transibo in admirabilem domum tuam : quando apparebo ante faciem tuam ? quando video te in terrâ viventium ? In istâ enim terrâjumentorum mortalibus oculis videri non potes , ed in regione Angelorum videbimus te , sicuti es .

C A P U T XIV.

Laudem virtutis in actione consistere. Actus diversarum virtutum.

NOrunt omnes , qui vel primis Philosophiae rudimentis imbuti sunt , omnem vim , & laudem virtutis in actione statim esse . Habitus enim virtutum , sive à Deo infundantur , sive acquirantur à nobis , data opportunitate in opus

exire debent : & hoc est primarium eorum munus , bona actionis principium , & fontem esse ; & potentiam , quam imbuunt , disponere ad hoc , ut certius , & facilius operetur . Causa exigui profectus in vita spirituali , non defectus cognitionis aut desiderii , sed defectus executionis esse solet . Aliud est scire multas divitias , aliud posse : nec notitia divitem facit , sed possessio Actiones autem , quibus unaquæque virtus aut generatur , aut crescit , duplices sunt : internæ , & externæ . De externis non est hic differendi locus , nec earum usus semper occurrit . Internæ perfectiores sunt , solaque mente & voluntate perficiuntur , & idè his incumbere possumus omni loco , omni tempore , & in qualibet occasione . Sunt qui unam virtutem singulis mensibus seligunt , cui ex professo incumbant , instituto eâ de re examine particulari , quæ res necessaria omnino est proficere in studio perfectionis desiderantibus , ut fusi explicavi in meo Horologio christiana diei . (a) Scriptit etiam de virtutis actionibus luculentissimum tractatum ex Scripturis & Patribus Bernardinus Roffignolius , quem Lectori meo enixè commendabo . Ego interim in exemplum actus subjicio præcipuarum virtutum per breves Aspirations ferventissimè elicendos : qui modus servari quoque potest in reliquarum actibus , ad usum & praxim quotidianam describendis .

A C T U S F I D E I .

1. **A**uctor fidei , Jesu Christe , firmissimè credo vera esse omnia , quæ te revelante credit , & docet sancta mater Ecclesia , & pro hac assertione & veritate milliesmori paratus sum .

2. Auge in me fidem à te semel infusam , vi tamque fidei consonam concede , ut , quod mente credo , moribus exprimam .

3. Testimonia tua , Domine , credibilia facta sunt nimis , utinam secundum ea semper vixifsem .

4. Verissima sunt omnia , quæ in sacris libris , & Apostolicis traditionibus , ac decretis Ecclesiæ continentur : pro quâ veritate tuendâ vitam meam libentissimè offero .

5. Omnidò verum est , te Deum meum unum esse in substantiâ , & Trinitatem in personis : quod ego per medios gladios , & ignes profitebor .

6. Utinam fides tua integra semper , & finita

(a) In meo Horologio Christiana diei sectione 2. 27. Cap. sect. 3. 2.